



## *Nemo moritur ex febris.*

**Q**uin tremor omnis abest, tremulos quæis concutit artus  
 Febris? ab hac, haud hic mortifer annus erit.  
 Arstua, Phæbe, iacet: qui sola febre laborant,  
 Si per se valeant, ars tua, Phæbe, iacet.  
 Nulli intemperies simplex est causa soluti  
 Continui; febris non facit ergo mori.  
 Quid mihi cum medicis? morborum morbus Apollo;  
 Febris, Apollinea qui levet arte mala, est.  
 Extenuans, aut dissolvens, aut illa recidens,  
 Frigore seu torpes, siue calore liques.  
 Participans vitæ, mortisq; æqualiter ardor,  
 Æqualis vitæ, causaq; mortis erit.  
 Qualis cum febris fiet, æqualisq; vtriusq;  
 Causa, haud in causa, cur moriamur, erit.  
 Indulgens natura parens: quæ provida morbum,  
 Qui morbis reliquis mors foret, ipsa dedit.  
 Naturale bonum mala naturalia sanat,  
 Quo commune, bonum, sit magis, maius erit.  
 Cum naturali cum sit calor iste calore  
 Vnus, naturæ perficit auctus opus.  
 Ex febris haud moritur, moriens cum febre; quod ipsa  
 Quo grauior, mortis non magis causa fiet.  
 Quotidiana necat, sanatur at Hæctica febris,  
 Sic magis æger abit, sic minus æger obit.  
 Denique quod mortis sit causa, venire necesse  
 Non est, natura sed renuente venit:  
 At febrem natura volens dedit, hancq; necesse est  
 Esse datam, calor ut fortior ille foret.

ERGO

*Morbos formidate alios, contemnite febres,  
 Vltima nulla vili linea febris erit.*

## *Animi morbi curam non admittunt.*

**I**nsanis, sanari animum qui vis malè sanum,  
 Egrotos animos pharmaca nulla iuvant.  
 Quæ sanetur amor medicamina lusor amorum  
 Scripsit, at hæc frustra scripta fuisse liquet.  
 1 Si tua consueto languecent corpora morbo,  
 Lassa suæ nunquam certa salutis erunt.  
 Ager, & emoriens animus sanabilis haud est,  
 Hunc mala corporeis, quod, graviora premunt.  
 Si levis est animo curis obducta cicatrix,  
 Corporeo maius vulnere, vulnus erit.  
 2 Intus vulnus alens animus, dum vulnere cæco  
 Carpitur, huic frustra tendis Apollo manum.  
 Ignoti morbi curatio nulla: nec illud  
 Artem quod lateat, sentiet artis opem.  
 3 Non variat, cui subiectum variabile non est,  
 Subiectum est animus, quod variare nequit.  
 Ergo animi morbus non est variabilis: illo,  
 Tanquam in subiecto, cum manet ille, suo.  
 4 Anne animi dabitur crasis? sanabitur ergo.  
 Sanari, crasis non datur, ergo nequit.  
 5 Eia age quos animi morbos sanauerit vnquam  
 Ars tua, dic (medicæ Phæbe repertor opis.)  
 Quos tu, quos phrenesis, vel quos dementia cepit  
 Sanasti? non est, nec fuit artis opus.  
 6 Dæmone vexatos animos scribis Plato: Dæmon  
 Quisque animi pravus num tibi morbus erit?  
 Sic est. Tam facile est animo depellere morbum  
 Dæmona quàm facile est pellere sedē sua.

ERGO

*Corpora curatote, animi deponite curam  
 Egroti, egrotum non medicina iuvat;*